

BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM
Radna komisija za ustavna i pravna pitanja
Broj: 01/1-277/99
Sarajevo, 12. 1. 2000.

ZAPISNIK

13. sjednice Radne komisije za ustavna i pravna pitanja Predstavničkog doma Parlamentarne skupštine Bosne i Hercegovine, održane 11. i 12. januara 2000. godine

Sjednica je počela s radom 11. januara 2000. godine, u 12,05 sati.

Sjednici su prisustvovali: Mirko Banjac, Bogić Bogičević, Ana Havel, Alma Čolo, Rasim Kadić i Sejfudin Tokić.

Sjednici nisu prisustvovali: Bogić Bogičević, Milenka Bošnjak, Miodrag Deretić i Ljubomir Zovko, koji su opravdali odsustvo.

Pored članova Komisije, sjednici su prisustvovali: Amir Pilav, ispred Ministarstva za civilne poslove i komunikacije BiH, Fernando Santaolalla, ispred Phare projekta i Vedran Hadžović, sekretar Komisije.

Za sjednicu je predložen i usvojen sljedeći

DNEVNI RED:

1. Prijedlog Budžeta institucija BiH i međunarodnih obaveza BiH za 2000 godinu;
2. Prijedlog zakona o izvršenju Budžeta institucija BiH i međunarodnih obaveza BiH za 2000 godinu;
3. Nacrt Poslovnika Predstavničkog doma Parlamentarne skupštine BiH;
4. Prijedlog Odluke o organizaciji Sekretarijata Parlamentarne skupštine BiH;
5. Prijedlog zakona o javnim ispravama Bosne i Hercegovine;
6. Prijedlog zakona o izmjenama i dopunama Zakona o Vijeću ministara Bosne i Hercegovine;
7. Nacrt zakona o praznicima i blagdanima Bosne i Hercegovine;
8. Nacrt zakona o trezoru institucija Bosne i Hercegovine;
9. Nacrt zakona o postupku zaključivanja i izvršavanja međunarodnih ugovora;
10. Nacrt zakona o Sudu Bosne i Hercegovine (predlagač: poslanik Haris Silajdžić);
11. Nacrt zakona o Tužilaštvu Bosne i Hercegovine (predlagač: poslanik Haris Silajdžić);
12. Nacrt zakona o Pravobranilaštvu Bosne i Hercegovine (predlagač: poslanik Haris Silajdžić);
13. Nacrt zakona o upravnim sporovima Bosne i Hercegovine (predlagač: poslanik Haris Silajdžić);
14. Nacrt zakona o važnosti javnih isprava u Bosni i Hercegovini (predlagač: poslanik Haris Silajdžić);
15. Sporazum između Vijeća ministara Bosne i Hercegovine i Finnvere PLC, koji djeluje u ime državnog fonda za garancije o određenom komercijalnim kreditima;
16. Sporazum o reprogramiranju 1998. između Vlade BiH i Export Development Corporation, Canada;
17. Sporazum I između Vijeća ministara BiH i Oesterreichische Kontrollbank Aktengesellschaft, Vienna/Austrija, u funkciji zastupnika Republike Austrije;
18. Sporazum o reorganizaciji dugova između Vlade Francuske i Vlade BiH;
19. Biletralni Sporazum između BiH i Compania Espanola se Seguros de Credito a la Exportacion S.A. o reprogramiranju vanjskog duga Bosne i Hercegovine;
20. Sporazum između Vlade Kraljevine Danske i Vlade Bosne i Hercegovine o konsolidaciji duga Bosne i Hercegovine prema Kraljevini Danskoj;
21. Odluka o ratifikaciji ukupnog duga Bosne i Hercegovine prema Kraljevini Norveškoj;

22. Sporazum između Vijeća ministara BiH i i Office National du Ducroire, koji djeluje kao odgovarajuća institucija Kraljevine Belgije;
23. Sporazum o reprogramiranju duga između Vijeća ministara BiH i Kraljevine Švedske;
24. Sporazum između Vlade Bosne i Hercegovine i Vlade Savezne Republike Njemačke o preuzimanju, smanjenju i konsolidaciji vanjskih dugova Bosne i Hercegovine;
25. Sporazum između Vlade Sjedinjenih Američkih Država i Vlade Bosne i Hercegovine o konsolidaciji, oprostu i reprogramiranju određenih dugova koji se duuguje Vladi SADa ili njenim agencijama ili se garantuju ili osiguravaju od strane Vlade SAD ili njenih agencija;
26. Sporazum između Bosne i Hercegovine i Konfederacije Švicarske o reprogramiranju duga Bosne i Hercegovine;
27. Trgovinski sporazum između Vijeća ministara BiH i Vlade Češke Republike (potpisan 22.5.1998. u Pragu na bos., srp., hrvatsk., engleskom i češkom jeziku);
28. Sporazum o poticanju i recipročnoj zaštiti investicija između BiH i Kraljevine Holandije (potpisan 13.5.1998. na engleskom jeziku);
29. Sporazum između BiH i Arapske Republike Egipat o poticanju i recipročnoj zaštiti investicija (potpisan 11.3.1998. na bos., arapskom i engleskom jeziku u Kairu);
30. Trgovinski sporazum između Vijeća ministara i Vlade Arapske Republike Egipat (potpisan 11.3.1998. u Kairu);
31. Sporazum o recipročnom unapređenju i zaštiti investicija između BiH i Vlade Države Katar (potpisan 1.6.1998. u Sarajevu na engleskom i arapskom jeziku).

AD. 1:

Komisija je utvrdila da postoji ustavni osnov za donošenje Budžeta institucija BiH i međunarodnih obaveza BiH za 2000 godinu, da je podnešen od ovlaštenog predlagača i ocijenila da je Budžet potrebno donijeti. Komisija se nije upuštala u suštinu i sadržinu nacrtu ovog zakona.

AD. 2:

Komisija je utvrdila da postoji ustavni osnov za Prijedlog zakona o izvršenju Budžeta institucija BiH i međunarodnih obaveza BiH za 2000 godinu, da je podnešen od ovlaštenog predlagača i ocijenila da je zakon potrebno donijeti. Komisija se nije upuštala u suštinu i sadržinu nacrtu ovog zakona.

AD. 3:

Komisija je utvrdila da postoji ustavni osnov za donošenje Nacrta Poslovnika Predstavničkog doma Parlamentarne skupštine BiH, da je podnešen od ovlaštenog predlagača i ocijenila da je Poslovnik potrebno donijeti. Komisija se nije upuštala u suštinu i sadržinu Poslovnika, te će članovi komisije svoje primjedbe iznijeti na sjednici Predstavničkog doma.

AD. 4:

Komisija je utvrdila da postoji ustavni osnov za donošenje Prijedloga Odluke o organizaciji Sekretarijata Parlamentarne skupštine BiH, da je podnešen od ovlaštenog predlagača i ocijenila da je Odluku potrebno donijeti.

AD. 5:

Komisija je zaključila da je potrebno da Vijeće ministara dostavi tekst preambule Prijedloga zakona o javnim ispravama Bosne i Hercegovine, i navesti ustavni osnov za donošenje ovog zakona do nastavka ove sjednice, koja je zakazana za 12. januar o.g.

Komisija je utvrdila da postoji ustavni osnov za donošenje ovog zakona i da je podnešen od ovlaštenog predlagača. Konstatovano je da:

- nedostaje preambula, što je potrebno dopuniti;
- u Zakonu se navodi uloga Suda BiH, kao nove institucije koja nije uvedena u BiH.

AD. 6:

32. Prijedlog zakona o izmjenama i dopunama Zakona o Vijeću ministara Bosne i Hercegovine;

Komisija je utvrdila da postoji ustavni osnov za donošenje ove inicijative i da je podnesena od ovlaštenog predlagača. Zaključeno je da se predloži Predstavničkom domu da zatraži mišljenje o navedenoj Inicijativi od Visokog predstavnika u BiH, kao ovlaštenog tumača Mirovnog sporazuma.

AD. 7:

Komisija je utvrdila da postoji ustavni osnov za donošenje ovog zakona i da je podnešen od ovlaštenog predlagača.

AD. 8:

Komisija je utvrdila da postoji ustavni osnov za donošenje ovog zakona i da je podnešen od ovlaštenog predlagača, sa opaskom da u tekstu zakona nedostaje preambula u kojoj je potrebno navesti ustavni osnov.

AD. 9:

Komisija je utvrdila da postoji ustavni osnov za davanje saglasnosti za ratificiranje ovog sporazuma i da je podnešen od ovlaštenog predlagača. S obzirom da ovlašteni predlagač nije prisustvovao sjednici, dogovoreno je da će se navedeni sporazum razmotriti u nastavku ove sjednice, koji je zakazan za 15.12. o.g.

Za izvjestioca Komisije određen je Rasim Kadić.
Sjednica je završena u 14,25 sati.

PREDSJEDAVAJUĆI
Rasim Kadić

SEKRETAR
Vedran Hadžović